

Geatki

– Áddjá, mital dal geatkki birra, Niillas dajai muhtin beaivvi. – Vai nuvt, don sidat gullat geatkki birra. Muhto mitalan lean juo ovdal geatkki birra, áddjá dajai.

– Na, mital go don nuorran báhčēt geatkki, Niillas ja Márjjáš oktanaga dajaiga.

– Na, ledjen mun dalle ovccinuppelohkái jagi boaris, áddjá dajai. – Dálvi lei.

Leimmet lullivuddiin ealuin ja gođiin. Ollu muohta lei, muhto dimis lei ja seakjume lei velá. Eallu guođui hui bures, muhto návddit ledje olut ja sniellásat, ja juohke beaivvi fertiimet ealu geahččat. Fertiimet ealu birra čuoigat jur juohke beaivvi. Juohke luotta galggai čuovvut birra amas láhppot. Muhtun bohccot ville guhkás ealus eret.

Ja dakkár ravddahiid fertii vuojehit ruoktot ealu lusa. Soames beaivvi ledjen guorrame dakkár ravda-bohcco. Luodda vulggii vuollegis dieváža badjel. Boazu lei guhton duos ja dás. Čiekŋalis suovnnjit ledje velá. Muhto gea! Dievá duohken lei boazu njuiken bajás suovnnjis, ja hirbmadit lei obbasis ruohttan. Na, árvidin mun mii lei dáhpáhuvvan. Miestaga duohken ledje aitto geatkeluottat. De mun dal juo ipmirdin ahte boazu lei geatkái gottáhallan. Gurren luottaid. Nuppi dievá duohken gávden runggu. Muhto oaivi lei eret.

– Vai nu! – Juo lei geargan čeabeha gaskat gáskit. Muhto easkka han dan lei bargan.

Luottat eai lean velá galbmon. Árvidin ahte rievvár ii lean vel guhkás beassan oivviin. Muohtán lei ihkku. Vahca dagai linádaga, eai ge sábehat gullon gosa ge, go muohttagis johte. Doivon ahte gal mun dál beasan geatkki gurrii. Ja dál mun in guorran jur

luotta. Čuigen doares – beale. Geatki lei mannan vuostebiggii, ja danne bieggá bodii geatkki luhtte.

Lei gal buorre, ahte geatki de ii sáhtán mus biekká oážžut. Mun čuigen riektá várrogasat.

Sábehat gisakeahttá johte vazas.

Čuoiggadan siivvut ja várdáhattan.

Duos geađggi duohken oainnán juoidá lihkađame.

Lahkanattan dohko gassa beziid duoge, ja bissu lea dál gárvvis báhčēn

ládje olgeš gieđas. Geatki lei gaikume ja gáskime bohcco oaivvi,

ii ge fuomášan mu. Ja dal ledjen čuohte mehtera geatkkis eret. De njiedjalin sábehiin muohttagii, siktejin ja báhčēn. Geatki njuikii bajás ja gahčai jámas dasánaga.

(Israel Ruong, girjji: Stien: Boađe lohkat. Fag og Kultur. 1987)

